

SESSIONI URDINARIA DI U 10 MARZU 2022

RIUNIONI DI U 10 MARZU 2022

N° 2022 /M3/06

QUISTIONI URALI DIPUSITATA DA LISANDRU LABAN-GIULIANI , PER U GRUPPU « AVVENE GHJUSTU È RESILITENTE », A L'ATTINZIONI DI U PRESIDENTE DI U CUNSIGLIU ESECUTIVU

Ughjettu : Statu d'avanzamentu di u prugettu “Territoire Zéro Chômeurs de Longue Durée” in Corsica.

Sgiò Presidente di u Cunsigliu Esecutivu,

Si sà tutti l'effetti d'un periodu d'inattività nant'à e persone, e famiglie è e cumunità. A salute ne piglia u so contu, è a felicità dinù. U listinu di i prublemi cagjunati da u disimpiegu seria longu à fà.

U prugettu « Territoires Zéro Chômeurs de Longue Durée » prupone una suluzione semplice, efficace è ghjuvevule pè tutti, pè falla finita incù u disimpiegu. Principia incù trè usservazione : a ghjente preferisce campà incù a so misata piuttosto chì sopravive incù allucazione; ci hè u travagliu, incù tutte l'attività lasciate da cantu per l'imprese perchè ùn era micca abbastanza prufittevule; è ci sò i soldi perchè ogni disimpiegatu costa in media 15 000 euri per annu à a sucetà, incù l'allucazione mà dinù cuntendu i risichi più maiori d'avè prublemi di salute.

Tandu, l'uggetivu di u prugettu « Territoires Zéro Chômeurs » hè di dà à ogni persona senza impiegu dappoi più d'un annu un impiegu à durata indeterminata, adattu a e so cumpetenze, chì risponde à un bisognu locale senza fà cuncurrenza à u settore privatu.

Dappoi u 2016, 2000 impieghi sò stati creati in i deci territorii di sperimentazione in cuntinente. Stu successu tremendu hà cunduttu à l'allongu sin'à u 2026 è à l'apertura di u dispositivu pè almenu 50 altri territorii.

In Corsica, dapoi u 2019, cinque territorii anu pustulatu per fà parte di sta sperienza : sò e comunità di cummune d'Alta Rocca, Costa Verde, Pasquale Paoli, Capi Corsu è Bastia. In ghjunghju di u 2019, un primu rapportu à l'Assemblea di Corsica allungava l'azione di u cumitatu di seguitu. A Cullettività devia aiutà ogni intercummunalità vulintaria è accurdà e sfarente dimarchje trà di elle.

Ci era in u 2019 un veru entusiasmu in giru à stu prugettu. Eppò e cose si sò piantate è ùn anu mai ripigliatu. U prugettu pare arinatu, ùn hè statu messu in ballu in nessuna intercommunalità. Tandu vi dumandemu :

Quale sò state l'attività di stu cumitatu di seguitu di a Cullettività, dapoi lugliu di u 2019 ? Cume a Cullettività puderia aiutà à l'intercomununalità chì ùn anu micca i medii umani è a spertizia necessariii ? Cume hè chì Territoires Zéro Chômeurs, sta soluzione cusì efficace in altrò, ùn viaghja micca, per avà, ind'è noi?

Arringrazià vi.